

Na osnovu člana 57. stav 8. Zakona o lovstvu ("Službene novine Federacije BiH", broj 4/06), federalni ministar poljoprivrede, vodoprivrede i šumarstva donosi

## ПРАВИЛНИК

### O PROGRAMU SOKOLARSKOG ISPITA I NAČINU LOVA DIVLJAČI S PTICAMA GRABLJIVICAMA

#### Član 1.

Ovim Pravilnikom propisuje se program, uslovi i način polaganja sokolarskog ispita i način lova divljači s pticama grabljivicama.

#### I. PROGRAM POLAGANJA SOKOLARSKOG ISPITA

##### Član 2.

Sokolarski ispit polaze se prema Programu za polaganje sokolarskog ispita koji je štampan uz ovaj Pravilnik i čini njegov sastavni dio, a sadrži slijedeće teme:

- Istorija sokolarstva i pravni propisi u sokolarstvu;
- Osnovne vrste sokolarskih ptica;
- Smještaj i prehrana sokolarskih ptica;
- Sokolarska oprema;
- Vježbanje sokolarskih ptica i načini lova;
- Bolesti sokolarskih ptica;
- Zaštita ptica grabljivica.

Teme iz stava 1. ovoga člana osnov su za oblikovanje ispitnih pitanja za polaganje sokolarskog ispita.

#### II. USLOVI POLAGANJA SOKOLARSKOG ISPITA

##### Član 3.

Polaganju sokolarskog ispita (u daljnjem tekstu: ispit) može pristupiti lice s navršenih 18 godina i s položenim lovačkim ispitom.

Ispit se polaže pred Komisijom za sokolarski ispit koje na prijedlog Lovачких saveza posebnim rješenjem imenuje federalni ministar poljoprivrede, vodoprivrede i šumarstva (u daljnjem tekstu: federalni ministar).

Sastav, period na koji se imenuje, naknada zarad i drugi bitni odnosi za rad Komisije odredit će se rješenjem iz stava 3. ovoga člana.

Članovi Komisije moraju biti stručna i iskusna lica iz oblasti lovstva, sa završenom VSS-om, koje su tokom svoga školovanja izučavale predmet lovstvo.

##### Član 4.

Prijavu kandidata za polaganje ispita podnosi lovačko udruženje pismenim putem Lovачком savezu.

Prijava sadrži osnovne podatke o kandidatima: ime, prezime, matični broj, adresa prebivališta, datum i mjesto rođenja, naziv matičnog lovačkog udruženja.

Polaganju ispita mogu pristupiti samo oni kandidati koji su navedeni u prijavi i koji su Lovачком savezu uplatili naknadu za polaganje ispita.

Naknadu iz stava 3. ovoga člana propisuje Lovачki savez.

##### Član 5.

Lovački savez po prijemu prijave za polaganje ispita provodi slijedeće:

- Osigurava stručnu literaturu za svakog prijavljenog kandidata;
- Organizuje obuku kandidata u skladu sa Programom za polaganje sokolarskog ispita;
- Organizuje polaganje ispita;
- Isplaćuje naknadu članovima Komisije za polaganje ispita iz člana 3. ovog Pravilnika;
- Dodjeljuje diplomu/uvjerenje o položenom ispit.

Polaganje ispita organizuje se zavisno od broja kandidata, a najmanje jednom godišnje.

##### Član 6.

Ispit se sastoji iz pismenog i usmenog dijela, a kandidat se ocjenjuje ocjenom **POLOŽIO** ili **NIJE POLOŽIO**.

Kandidat se ocjenjuje ocjenom "položio" ako je pokazao zadovoljavajuće znanje, odnosno pravilno riješio 95% i više testa.

Kandidat koji je pravilno riješio 75 - 95% testa ima pravo pristupiti usmenom dijelu ispita.

Usmeni dio ispita polaže se odgovaranjem na tri (3) pitanja, koja su u pismenoj formi, s pravom članova Komisije na potpitanja.

Za kandidata koji neopravdano odustane od početnog polaganja ispita, smatra se da nije položio ispit.

Kandidat koji ne položi ispit nakon drugog polaganja gubi pravo polaganja ispita u roku od godinu dana od drugog polaganja, nakon čega ima pravo ponovo podnijeti prijavu za polaganje ispita.

##### Član 7.

O toku polaganja ispita vodi se Zapisnik koji obavezno mora sadržavati:

- opće podatke (mjesto i datum održavanja ispita, ukupan broj kandidata, broj kandidata koji su položili i broj kandidata koji nisu položili ispit);
- primjedbe (utisci članova Komisije o provedenom ispit);
- članove Komisije (imena i prezimena članova Komisije),
- podatke o svakom kandidatu koji je položio ispit (redni broj, ime i prezime, matični broj, dresu, naziv lovačkog udruženja čiji je član i podatak koji put izlazi na ispit).

Jedinstveni zapisnik vodi i sastavlja sekretar Komisije, a potpisuju ga predsjednik i sekretar Komisije (zapisničar).

##### Član 8.

O položenom ispit svakom kandidatu Federalno ministarstvo poljoprivrede, vodoprivrede i šumarstva izdaje uvjerenje, koje ima karaktera javne isprave, na obrascu koji je štampan uz ovaj Pravilnik i čini njegov sastavni dio.

Obrazac uvjerenja iz stava 1. ovoga člana sastoji se od jednog lista papira A4 formata.

Podaci u obrascu uvjerenja ispunjavaju se kompjuterski.

##### Član 9.

Na obrascu uvjerenja od vrha prema dnu je tekućim slijedećeg sadržaja:

- grb Federacije BiH;
- naziv organa koje izdaje Uvjerenje;
- naziv obrasca Uvjerenja;
- ime i prezime nosioca Uvjerenja;
- adresa prebivališta nosioca Uvjerenja;
- JMBG;
- datum, mjesto i država rođenja nosioca Uvjerenja;
- državljanstvo nosioca Uvjerenja;
- mjesto i datum kada je nosilac Uvjerenja položio ispit;
- M.P. i potpis ovlaštenog lica;
- serijski broj obrasca Uvjerenja.

##### Član 10.

Federalni ministar potpisuje i ovjerava uvjerenje i preko Lovачkog saveza dostavlja lovcu Uvjerenje o položenom ispit.

Broj uvjerenja Stručna služba Lovачkog saveza upisuje u zapisnik, a kopiju zapisnika zajedno sa Uvjerenjem dostavlja lovačkom udruženju.

##### Član 11.

Lovački savezi vode evidenciju o položenim ispitima i o izdatim uvjerenjima na obrascu upisnika koji je štampan uz ovaj Pravilnik i čini njegov sastavni dio.

Upisnik se sastoji od listova papira standardnog formata A4 koji su označeni rednim brojevima i moraju biti uvezani.

U Upisnik se upisuju slijedeći podaci:

- redni broj upisa;
- serijski broj obrasca Uvjerenja;

- podatke o licu kojem je izdato uvjerenje (ime i prezime, adresa prebiva lišta, JMBG, datum, mjesto i državljanstvo rođenja, datum i mjesto polaganja ispita);
- podatke u vezi s izdatim uvjerenjima (ovlašteno lice, potpis i pečat).

Lovačko udruženje vodi matičnu knjigu o polaganju ispita. Lovačko udruženje u člansku iskaznicu lovca upisuje podatak o položenom ispitu.

Član 12.

Licu koje dostavi dokaz o položenom sokolarskom ispitu van teritorije BiH, Komisija za polaganje ispita izdaje Uvjerenje o oslobađanju od polaganja ispita, nakon postupka nostrifikacije.

### III. NAČIN LOVA DIVLJAČI S PTICAMA GRABLJIVICAMA

Član 13.

S pticama grabljivicama može loviti lice koje ima položen lovački ispit i sokolarski ispit i koje je član lovačkog udruženja

(korisnika lovišta) u čijem lovištu vrši lov (u daljnjem tekstu: Sokolar).

Sokolar može loviti u skladu sa Zakonom o lovstvu i propisima donesenim na osnovu istog.

Član 14.

Sokolar može tokom cijele godine trenirati i letjeti pticu u grabljivicu na prostoru lovišta koji je predviđen za obuku lovačkih pasa, uz pismeno odobrenje korisnika lovišta.

### IV. PRIJELAZNE I ZAVRŠNE ODREDBE

Član 15.

Ovaj Pravilnik stupa na snagu narednog dana od dana objavljivanja u "Službenim novinama Federacije BiH".

Broj 10-02-127-1/09  
16. aprila 2009. godine  
Sarajevo

Ministar  
Mr. sci. **Damir Ljubić**, s. r.

**Prilog 1: Program edukacije pripravnika**

Dan	TEMA	Broj sati	Ukupno sati
1	1) Istorija sokolarstva	1	5
	2) Pravni propisi u sokolarstvu	1	
	3) Osnovne vrste sokolarskih ptica	3	
2.	1) Vrste i uslovi smještaja sokolarskih ptica	1	5
	2) Sokolarska oprema	3	
	3) Letna težina i vođenje sokolarskog dnevnika	1	
3.	1) Prehrana sokolarskih ptica	1	5
	2) Podizanje i kretanje sa sokolarskom pticom	1	
	3) Vježbanje pozivanja sokolarske ptice	1	
	4) Vježbanje dugih letova i vrtnja vabila	2	
4	1) Načini lova i uvođenje sokolarske ptice u lov	2	5
	2) Bolesti sokolarskih ptica	2	
	3) Zaštita ptica grabljivica	1	
5.	1) Slobodni let sokolarskih ptica	5	5

**LITERATURA ZA POLAGANJE ISPITA.**

- Viktor Šegrt: Osnove sokolarenja, - Zagreb 2006.
- Marijan Žižanović: Sokolarstvo ili umjetnost lova s pticama grabljivicama, - Zagreb 2005.
- Aćimović Milenko-Aćim: Jastreb na ruci-Umjetnost sokolarenja, - Beograd

**Prilog 2. Obrazac uvjerenja o položenom sokolarskom ispitu**  
Grb Federacije BiH

**BOSNA I HERCEGOVINA**  
**FEDERACIJA BOSNE I HERCEGOVINE**  
**FEDERALNO MINISTARSTVO POLJOPRIVREDE, VODOPRIVREDE**  
**I ŠUMARSTVA**

***-KOMISIJA ZA SOKOLARSKI ISPIT-***

**U V J E R E N J E**  
**O POLOŽENOM SOKOLARSKOM ISPITU**

.....  
(ime i prezime)

.....  
(adresa prebivališta)

.....  
(JMBG)

.....  
(datum, mjesto i država rođenja)

.....  
(državljanstvo)

.....  
(mjesto i datum polaganja)

M.P

.....  
(predsjednik komisije)

.....  
(ministar)

Sarajevo, \_\_\_\_\_

Serijski broj: № 00001

